

في أمان الله يخيّة

ما بيني وبين السما من جمرة الحر
دخّان وبساعة وداعج قلبي محتر

نادى يزينب في أمان الله يخيّه
يحرسكم بعينه انتي وسكينه ورقيه
لا تنظروني للخيم ما بعد جيّه
سدّوا عليّ اعداي دربي قوم هالشر

ماشوف غير اسهام وارماح وهنادي
مد البصر هالجيش چن يوم التنادي
زحفوا عليّ من صاح يا خيل المنادي
جيمان من كل صوب حولي العسكر افتر

ضربه باثر ضربه الأعداي استهضموني
هذا ابنبل هذا ابرمح يختي ولوني
عطشان ومن الماي رشفه ما سقوني
روحي تلوب اعلى العذب قلبي تحسّر

شج لي جبيني ابن الحتوف يختي رماني
جاني الحجر صك غرّتي والدم عماني
مادل طريقي لن سهم كسّر اسناني
ملچوم دولبني الوجع دمعي تغرغر

بيدي ارفعت ثوبي صحت بسم الله ربي
لن حرمله ابنشابه صاب انياط قلبي
خرّيت من ظهر المهر واعظم كرّبي
ما تشوفي لمصابي الفضا حاله تغيّر

ظليت انازع بالترب تتطشر ادماي
منهوك خارت قوتي متقطعه احشاي
ضامي چوى چبدي العطش ما ضقت انا الماي
غارت عيوني وعبرتي بصدري اتكسر

أنخى أنصاري وعزوتي منهو لي يفرع
هذا الشمر جاثم على صدري تربّع
عرش الله لمصابي انثكل ركنه تصدّع
والكون محمر والنجم من منزله خر

فرّق بسيفه راسي عن جسمي يزينب
بثنّش طبره امن القفا دم نحري يشخب
أفحص ابرجلي والدمع بعيوني يلهب
عندي النبي لمصيّبي اكل طبره كبر

وامنا على ذبحي ابوجهها تحثي لترات
تتخضب ابدم منحري دوهنها لمصاب
تمدّه ابطولي وانا مسلوب لثياب
دنّك ولمنه والدي ودمعه تحدر

يعزيزة الزهرا الوداع الله كفيلا
حفظي اليتامى بغيبتي وداري عليلا
يحنينه تصعب علي ساعة رحيل
ما بيدي حيله اتصبري هذا المقدر

فيصل عبد علي
١٤٣٨ هجرية